

Segun Jossy Kock di DOW

E trabounan di tram den caya grandi y rotonde spiraal lo keda cla riba e fecha stipula



Rotonde spiraal.



Rotonde spiraal banda di aeropuerto.

ORANJESTAD – E trabounan di tram den caya grandi y rotonde spiraal banda di aeropuerto a cay atras pa cierto motibonan, y esaki a trece duda den pueblo cu nan lo no keda cla pa e fecha stipula cu ta dia 15 di december. Bon Dia Aruba a tuma contacto cu Jossy Kock di DOW, pa asina haya mas informacion riba esaki. Segun Sr. Kock e trabounan lo keda cla pa e fecha stipula.

TRAM

E trabounan di e tram ta wordo haci pa contratistanan y Bon Dia Aruba a haya sa for di un di esakinan cu nan a keda cla cu ponemento di e spoor lijn. Awor nan ta drechando e acera pa asina nan ta keda cla cu nan parti di proyecto. Un otro contratista ta haciendo e trabou

di parti mey mey unda cu nan ta traha riba e coriente. E

yobidanan cu tabata tin den e ultimo dianan, no a stroba nan di traha. Actualmente e contratistanan ta trahando dos shift pa asina keda cla cu

e trabou.

Sr. Kock a bisa Bon Dia Aruba cu nan trabou ta pa entrega e construccion y nan no sa ken ta esun cu ta encarga cu e tram. Bon

Dia Aruba a tuma contacto cu e contratista y segun e contratista, ya caba e trolley a wordo “gelood” y ta rumbo pa Aruba.

ROTONDE SPIRAAL

Segun Jossy Kock di DOW, e trabounan di e rotonde spiraal of rotonde banda di aeropuerto ta andando bon. E yobidanan a stroba nan un tiki, pero esey no a stop nan pa sigui traha. Na e momentonan aki e contratista



Rotonde ya caba tin su forma.



Materialnan cu tin cu wordo uza pa e rotonde.

ta poniendo e klinkers, pero e departamentonan di utilidad mes tin cierto trabounan di haci riba e rotonde spiraal.

Bon Dia Aruba a puntra Sr. Kock por si acaso si tin un plan B den caso cu trabounan bolbe cay atras pa yobida, e ta bisa cu no por bisa nada ainda pa motibo cu no por premira kico naturalesa tin pa nos. □